


ORATIO  
FRANCISCI  
BOCCHII

*De laudibus Reginae MARGARITAE Austriae,  
PHILIPPI III. Hispaniarum Regis uxoris.*



FLORENTIAE,

*Apud Bartholomaeum Sermartellium, & Fratres.*

MDCXII.



# SERENISSIMAE MARIÆ MAGDALENÆ

Austriæ, Archiduci Etruriæ.



**T**RIBVISTI tu dolori tuo tantum, quantum res ipsa quærebat, & tua potissimum dignitas flagitabat. Illustris tamen vita Serenissima sororis tue fecit, ut eius mors variis de causis te commoueret minus, minusq; etiam laderet. Vocatu enim Dei Opt. Maximi tempore ipso moram nullam intulit, quin præsto se esse ostenderet, animoq; libenti iussa etiam faceres. Præterea ed iam ventum erat, ut de præmiis multo magis, quàm de lacrimis cogitandum esse videretur. Hic autem dolor percussit te minus præcipuo quodammodo; cum mors in Hispania contigerit, & tu esses in Italia; minus enim feriunt mala, quæ auribus percipimus, quàm ea, quæ oculis intuemur; ut tuis lacrimis ipsa rerum natura ad tuum commodum consuluisse videatur. Tui necessarii tamen, & consanguinei huic pio lacrimarum muneri non defuerunt. Sed COSMVS Etruriæ Magnus Dux, vir tuus, ut suum impleret officium, potissimum excubuit; nec tantum omnes, sed se ipsum quoque amoris magnitudine superauit. Ea etenim ratione in hoc funere magnificentissimis exequiis dolorem suum honestauit; ut, cum omnia consideres, quæ in rei magnitudinem cadere possunt, nihil om-

4  
nino maius cogitari posthac, nec honorificentius fieri possit.  
Et profectò quò fama summarum virtutum Serenissima soror  
ris tua se extendit, eodem tam multis rebus, eisq; eximius dolor  
acerbissimus peruenit. Ego autem stimulis sedulitatis inci-  
tatus, secutus morem nostra ciuitatis, qua viros principes be-  
nè de Christiana Repub. meritos celebrare solet, has lucubra-  
tiones collegi, tibiq; orationis nomine dicaui. Curatum est à  
me, ut sit veritati congruens, & quàm maximè tua voluntas  
ei, qua id quàm maximè dilexit semper, potissimùm respon-  
deat. Id ipsum si assequor, omnia planè me esse affecutum ar-  
bitrabor. Vale, Flor. III. Nonas April. CIO DCXII.

Franciscus Bocchius celsitudini tuae  
deditissimus:

# ORATIO DE LAUDIBVS MARGARITAE AVSTRIAE,

Regis Philippi III. Hispaniarum Vxoris.



**R**EM grauem, multisq; lacrimis inuolutam hodie nobis casus acerbissimus affert; hæc, quod fuit expectata minus, ed honorum animos pupugit magis; magisq; etiam nos insolentia cogitationis sæuissimæ commouit. Facta est iactura veræ probitatis, veræq; etiam virtutis; orbatus est terrarum orbis magnis præfidiis, simulatq; Sereniss. MARGARITA, Regina Hispaniæ morte repentina erepta nobis est: quæ matrimonio viro amplissimo, summo Regi sociata curas eius amplissimas imminueret, & subleuare sua sapientia consueuerat. Hoc nomine tota Hispania luctu, mœret eius Regia coheret, affinitas omnis se affligit, & quæ quod se conuertit, vis lacrimarum, & doloris maxima occurrit. Res grauis sine præsidio, luctus ingens sine solatio, miseræ sine salute probatissimos homines duris cogitationibus afficiunt. En quod nostra spes redacta est, quibus præfidiis inhaeret, quibus se viribus sustentat? Sed dabitur alias aliquid lacrimis, dabitur luctui, dabitur mœrore: Nunc verò, vi res postulat, & meæ dicendi partes præcipuè requirunt, nostrum nos munus persequamur. Vt placeat viris grauissimis, non sine prouidentia diuini numinis factum est, vt familia Austria ius tituli Imperialis diutius teneat, summæq; dignitati per annos amplius trecentos honorificentissimè præfuerit. Narrantur res gestæ rerum optimarum; numerantur merita, quibus de Christiana Repub. hæc gens peregretria variis temporibus bene merita est: sed illud maximè perhibendum, atque omni laude effertendum, quo se exultat, summæ pietati, & religioni sanctissimè acceptum refert. Omni panè tempore redita fuit Sanctæ Ecclesiæ hæc domus Austria; eius dignitatem suis in regionibus vehementer auxit; Deum coluit, quàm potuit maximè, summæq; etiam reuerentier. Ab eodem magnis honoribus aucta cunctis in locis facillè testatur, quàm copiosè piis homi-

tendit : cunctis in locis, grauissimis in rebus adhibetur ; quò vis Euangelii præterea peruenit, eodem latinæ linguæ facultas gloriosè penetrauit. Vt iam omnes terras peragrata terrarum orbem suo splendore illustrarit. Huic rei hæc Regia mulier operam dedit, multumq; , vt commodè disceret, elaborauit. Quod igitur erat in optatis, consecuta est feliciter, vt loqueretur scienter , & scriberet, & libros sanctorum virorum intelligeret , atque eorum sensus abditos cognosceret. Expleri adhuc mente laudibus nequeunt Hispani; qui vt sunt acerrimo ingenio sua sponte, omnia notant, omnia considerant, quòd hæc mulier egregia breuissimo tempore non solum loquentes Hispanicè benè intelligeret, sed etiam optimè Hispanicè loqueretur . Hanc vim admirandam huic vni concessam adhuc Hispani laudare non desistunt. Iam verò fuit munditia morum memorabilis, castimonia insignis, prudentia singularis ; totumq; ætatis tempus inuiolatum præstitit, & integrum. Creuit virtus crescente ætate, maioribus virtutibus facta est ardentior : euasit fortior mēs eximia, annosq; firmatos magis probitas firmior excipiens obeundis negotiis facile ostendit, nihil ei esse arduum, dum diuinis præceptis audiens esset, suumq; ad diuinam voluntatem animum conformaret. Admirabilis virtutum cohors inter se sanctissimè conspirans , & consentiens vitam ei, vt videre licuit, admirabilem constarat : quæ cum cogitaret aliquando fieri posse, vt multis sua mens saluti esset, tam multis eam, eisq; præclaris moribus expoliuit, vt quid vis oneris suscipere, atq; expectationi vel maximæ posset respondere. Præclaras cogitationes, quas alii ad suum arbitrium patiuntur impunè , ad suam animi sui salutem omnes hæc mulier egregia exercuit. Non res huius sæculi caducas , sed diuinas futuræ vitæ considerabat ; applicarat se animo spes illa insignis, quæ cunctos labores superat, & vincit, quæ ad æterna præmia inuitat, & sempiternæ gloriæ mirabilibus modis compotem facit. Quàm se prudenter à vitiiis insultantibus defendit, quàm propulsauit cautè , quàm fortiter oppressit ? Eò iam in singulari virtute, atque absoluta progressa erat, vt mori cuperet potius, quàm morum integritatem deformare, munditiam animi polluere ; castissimo enī pectore vis virtutum mirabilium adhæserat; præcipuo quodam modo admiranda societas rerum clarissimarum animo constiterat, vt si quid in eius mentem deprauatæ cogitationis inueheretur, concideret sua sponte, & de repente victa euanesceret. Mulier natura mitis , & clemens quanti esset, sui aduentus initio in Hispaniam facilè ostendit, dum, ne cui noceretur, pati non potuit. Increbuerat vsus horribilium venationum apud Hispanos ; quibus in spectaculis cum homines nimis congiariorum appetentes feroces tauros ferite nituntur, sublati in cornibus aut crudeliter interibant, aut grauiter vnlnerati discedebant. Constabat crudelis electatio permulto hominum sanguine, nec, qui remedium adhiberet, reperiebatur. Curauit igitur hæc clementissima mulier,

ac mos

nemos tam deprauatus diutius inueterāsceret, sed, ut factum est, primo  
 cuoque tempore auferretur. Hic fuit, ut audistis, introitus grauissimus ad  
 mores, & ad virā: traducta est ætas singulari cū dignitate; ea probitatis,  
 & virtutis iacta sunt fundamenta primis temporibus, ut progressus nisi exi-  
 mius, exitus nisi egregius expectari non posse videretur. Præclara stirps;  
 & mirabiliter insignis, extulit suo tempore fructus vberes, & nobi-  
 les; quibus & multis profuit mortalibus, & suam familiam laudibus  
 amplissimis affecit. Cohors igitur illa mirabilium virtutum nec ab ea  
 discessit umquam, & vadentem per viam gloriæ ad opus omnium maxi-  
 mē egregium perpetuū incitauit. Erant signa plurimarum virtutum, ac  
 nobilium in hac admirabili muliere, non adumbrata, sed expressa; erant  
 mores sanctitati potissimum congruentes: flagrabant studia veræ gloriæ  
 præcipuo quodammodo: ut quicquid in eius animo inspiceres, id ipsum  
 omni ex parte cum latum laude iudicares. Mirabantur, qui audiebant,  
 stupebant, qui intererant; & dum rem grauius intuerentur, vitam ipsam,  
 tamquam exemplar ad imitandum sibi propositum esse iudicabant. Suis  
 in optatis maximē potuit, crebro supplicationibus interesse sacris in lo-  
 cis; rogare Deum, ut sua in partienda gratia sibi subueniret; ut vires tri-  
 bueret, & fidem augetet, quibus diuinæ maiestati in seruiret ardentius, &  
 cœlestis præsidii particeps fieret commodius. Sacramentum igitur, quo  
 mens a suspitione vitiis expiatur, frequentauit maximē. Principio,  
 & primis pænē in annis, ut monebatur, frequens fuit, crescente ætate, au-  
 ctā est pietas in muliere sapientissima; octauo enim quoque die sumere  
 Sacramentum altaris demissimo animo consuevit. In hoc opere sanctis-  
 simo, quā illa se sanctissimē exercuit, quā supplicauit humiliter,  
 quā Regios ornatus pro nihilo putauit? Res erat minimē vsitati exem-  
 pli, cum videres mulierem tantum probitatis spirantem, tantum digni-  
 tatis, ea moliri firmato animo, quæ cunctis admirationem afferre possent.  
 Sed quid mirū, tantū in ea probitatis extitisse? Habuit, vnde disceret, vi-  
 ros maximē pios, & consanguineos, qui religione, & probatissimis mo-  
 ribus omnium literis, & linguis celebrantur. Inter omnes Austrios lu-  
 cet tamen præcipuo quodam modo Rodolphus ille vnius meriti ratione  
 & cunctis in locis iure optimo perpetuis laudibus nominatur. Res ipsa,  
 quam egit, & si non talsima est, ut sit tamen notior, erit minimē absurdum.  
 Accidit igitur, ut tui negotii gerendi causa Rodolphus extra urbem iter  
 faceret; casu sit ei etiam Sacerdos pedibus iter faciens, cum ille equo  
 veheretur: ferebat Sacerdos Sacramentum Eucharistiæ ad ægrotum, at-  
 que idcirco, ut adesset in tempore, properabat. Rodolphus accurrens, &  
 ex equo desiliens, subito Sacramentū genibus flexis adorauit, & ut idem  
 facerent cōiutes, aduenit: illud memorabile dictans, indignum esse,  
 ut Sacerdos Dei altissimi pedibus suis, serui autem eius equorum pedi-  
 bus suo commodo ambulant. Nulla igitur sui ratione habita (casu enim

in terra cœnosa accidit ad genua) apprehenso frano equi (ascenderat enim Sacerdos cum Sacramento) domum vsque ægroti demum perduxit. Sacerdos autem cum honor tam magnus Sacramento tributus esset, ægendis gratiis intentus equum domino voluit restituere; quem tamen ipsum Rodolphus recusans non recepit, affirmans etiam, atq; etiam ab ratione abhorreere, vt illo equo quis vteretur amplius, qui Deum omnium dominum portasset, sibi q; vt Sacerdos haberet, impetrauit. Fama igitur tam nobilis rei cum omnes iure optimo, tum eos quibus conferendi imperii ius est, subito commouit, vt Rodolphum rectissimis suffragiis crearent Imperatorem. Quæ dignitas ab initio tantæ rei in Domo Austria mansit ad hoc vsque tempus, & manet. Sed mulier egregia expressit in se laudes suorum mitabiliter, atque admirata virtutem, familiæ gloriam illustrauit, atque auxit. Singularis illa animi pietas, quæ frequentare sacra loca consueuerat, quam religio in eis, quam sanctè, quam puro corde diuinum numen venerari lætabatur? Effert mirabiliter in cœum, & dimittere res caducas quodam modo videbatur, quoties, vt puro animo adoraret, sacris in templis morabatur. Non Reipub. occupatio, non cura filiorum, quos septem reliquit, non cogitatio rerum humanarum impediabant, quod minus suam mentem diuinis præceptis expoliret, atque operam Dei voluntati demissimè nauaret. Eximius animus, contemplatione rerum cælestium inflammatus his rebus caducis conquiescere non poterat; diuinas disciplinas edoctus nihil, nisi Deum, diuosque omnes cogitabat; qui, cum deprauati sensus obuersarentur, constanti animo, & forti vim omnem teterrimi hostis propulsabat. Ardebat caritate, vt subleuaret egentes, vt foueret afflictos, vt destitutos ad spem erigeret; consolabatur verbis, iuuabat opibus, sustinebat consilio; se ipsam, quibus rebus poterat, inflamabat, vt Deo suis in seruis inseruiret. sanctissimisq; ministeriis bonorum virorum animos acquireret: hæc cura habebat eam tam sollicitam, vt sui ipsius videretur obliuisci, vt non donis afficere quemquam, sed suum animum effundere benignè faciendo putaretur. Pupillis, & viduis summa pietate maximè consuluit: curauit enim non solum vt benignè exciperet, sed vt euntibus ad Philippum, virum suum, semper pateret aditus: eorum postulatis præbuit aures patienter: quo pacto ab omnibus destituti se segerent admonuit; & ne deficerent animo, apud Regem admirabili artificio diuinit. O mulierem tam summis in rebus cunctis omnino viris patientia fortiozem? O animum ceteris omnibus admirabili magnanimitate largiozem? Mirentur alii terrenas diuitias; leuibus voluptatibus se oblectent; honoribus, & laudibus se exornent: dum liceat constantissimæ mulieri in sua modestia lætari, conculcatis vitiis demissimè



simè exultare, atque expectatione interea æterni præmii gaudere. Flabeat sibi Roma suas Virginias, habeat Portias, gloriatur in Vestalibus, tam multas enim mulieres mirabilium virtutum ex nostris opponemus, ut priscam ætatem vanitatis suæ pudeat, & genti nostræ palmam libenti animo concedat. Quantum autem laboris pertulit, quantum sollicitudinis exhaustit, ut faceret iussa Nostri Saluatoris, ut diuinis præceptis obediret? Simulatq; in possessionem probitatis pedem posuit, quàm animo firmato exarsit ad laudes sanctitatis, quàm mente sublimi se se exulit, quàm moribus egregius se totam roborauit? Dies nulla erat, in qua sacrata templa non uisiteret, opus eximium non conficeret, oppressos egestate non subleuaret: qua in re non pepercit laboribus, pecunias pietatis causa effudit, & ne diuino in obsequio deesset aliquid, in summa liberalitate nihil sibi reliqui omnino fecit. Jam verò dum commeatet nuptum, atque iter faceret Hispaniam versus, ab iis, qui erant in comitatu, solebat scitari diligenter, æquis locis, miraculis insignis sanctorum, & MARIAE Virginis præsertim coleretur, ut eò precandi causa adiret. Quo inuento, nulla interposita mora, ad eum se deferri statim imperabat. In eo quàm illa suspirans demissè supplicauit? quàm animo sincero adorauit? quam sanctè Nostri Saluatoris numini se commendauit? ita se mente egregia efferebat, ut cum Deo loqui videtur: ita se inflammabat in petendo, ut interesse choris Angelicis putares: Erat enim cogitatione sublimis, patientia admirabilis, firmitate cunctis in rebus veneranda, ut, quocumque te conuerteres, in ea miros amores sanctissimis in rebus quotidie inspiceres. Quis verò dubitat ascitis in suum animum claris virtutibus, optimisq; ad vitam exornandam comparatis moribus, quin à muliere sapientissima ascensus ad virtutes mirabiles his gradibus fuerit institutus? quin idè cum Deo sœdere ad hostem tartareum debellandum sanctissimè consentiret? nihil molestiæ recusans, res cunctas, quæ hominibus huius sæculi caræ sunt, pro nihilo semper putauit, & ut piè dederet se Dei voluntati, nihil reliquit intentatum; celestibus etiam præceptis sanctissimè obediuit, & se ad futura præmia, quæ diuinitus promittuntur, comparauit. Contra verò præposterè à nobis agitur, & peruersè; cupimus diuinis præmiis augeri, & Dei voces recusamus audire; quæ nos ut has carnis exuias exuamus libenter, sæpissimè inuitant; ut regnum caelorum adueniat, optamus; hic tamen in hoc seculo resistentes moramur; cupimus celestibus diuitiis frui, & ad eum, qui nos tam summis bonis donaturus est, progredimur inuiti? minimè tamen hæc mulier insignis hoc pacto se se gessit: quæ nullum terrorem reformidans crudelissimi hostis fregit insidias, nec eius minis ullo tempore succubuit;

sed

sed victrix ad extremum triumphum etiam de morte, ut est pænæ omnium opinio, ad cælum deportauit. Hominum miserorum egestates ita mollire eius animum solitæ erant, ut nec rogantium cupiditatem, nec preces (qua lenitate erat mentis) posset sustinere; causæ enim æquitatis numquam est aduersaria natura; simul atque de miseriis auditum est, è vestigio mollitus est animus, & ad subleuandas ætumnas humaniter, & piè se conuertit. Vita ipsa ab verbis numquam dissen sit; oratio ab opere numquam abhorruit; curauit semper, ut re impleret, quod verbis docuerat; ut factis confirmaret, quod lingûa officia derat; id ipsum perpetuò spectans, quod Deo præmonente didicerat; qui fecerit sanctissimè, & docuerit, hic magnus vocabitur in Regno cælorum. Minimè hæc mulier ut aerem verberans, sed vim salutis animo comprehendens, quàm scitè, quàm sapienter non verbis tantum, sed factis sibi cavit, quàm accuratè Deum iter præmostrantem secuta est, ut tertenis calcatis diuitiis ad cælestes diuitias tandem perueniret? Hæc mulier insignis quo ingenio, qua industria ad summam virtutem semper se exercuit? qua magnitudine animi, qua grauitate cunctis ætatis suæ annos piè, & grauitè traduxit? ut, cum omnes boni tam multa ornamenta perspicerent, atque ea ad vnam vim virtutis conuersa esse intuerentur, fieri nequaquam posse iudicabant, quin commodum, quo fruerentur omnes, aliquando sequeretur, quod animos omnium lætitia afficeret. Eo animi robore se muniærat à primis temporibus ætatis, ut lectissimorum hominum, & grauissimorum iudicium eius summa virtus non vereretur; constantia præterea tam singulari seornarat, ut quicquid ageret, vel suis inimicis probare posse putaretur. Ecquis est enim, qui conatus, atque animi impetus egregios non prebet, qui viram, & mores non dilaudet; qui probitatem non admiretur? Ea profectò vis virtutis est, ut, ubicumq; sit, obscura esse non possit; ad excitandam beneuolentiam valet illa vehementer, ut huic mulieri egregiæ contigit; commouet, quoties opus est, incendit, & inflammat animamq; generosum in suo opere non sinit conuiescere. Minime fieri potest, ut de summa sapientia clarissimæ mulieris dubitetur; quam ab inconstantia grauitas, à cupiditate moderatio, à libidine castitas ita disungit, ut quam natura præcipiam agnoscis, artificio, & doctrina admirabilem reperiās. Neque enim auctoritatis tantum præ se ferreret, nisi firmissimis ingenii, & sanctatis radicibus niteretur; quam summi viri ita probare soliti sunt, ut eam tamquam virtutis exemplar intueri, & laudare veris laudibus non desisterent. Quod re ipsa probatum est, fuit hæc mulier egregia singularis vigilantix; excubuit maximè, ut sanctam Dei Ecclesiam Catholicam sanctam, & rectam conseruaret, aut potius, quo ad eius

fieri posset, augeiet. Hoc nomine cum in Germania serperet vitium depravatae religionis, atque id manaret in dies latius, ne ita fieret maius, cui paulo post vix succurri posset, statuit tam magno malo nulla mora interposita obuiam ire. Per multos igitur iuvenes sanctissimae indolis e sua patria in Hispaniam euocauit; eosque diuersa in oppida sparsit, atque vrbes; vt paulo post optimis disciplinis eruditi domum Doctores remearent, fideique Catholicae locupletandae causa doctrinis, & moribus prodesse. Magnas his rebus agendis sustinuit impensas, tulit labores magnos, vt summae expectationi tam gloriosum opus responderet. Frænata est enim hoc pacto exiguo tempore temeritatis teterrimae insania. O cogitationes Regias, iureque optimo cunctis laudibus efferendas? O mentem vsquequaque religionis sanctissimae firmissimam? Non labor, non impensa, molestia denique nulla remorata est, quo minus Catholicae fidei inferuaret, consiliiisque optimis iuaret. Peregreque praestitit, & sanctissimè, vt videtis, cunctos ætatis gradus, vt non solum errati suspicionem maximè caueret, sed vt vim virtutis tractandis optimis moribus exprimeret. Iam verò cui vmquam contigit, vt videret ingenium in muliere clarissimis, & nobilissimis ex virtutibus tam mirabiliter conflatum? mentem tam summa pietate custoditam? animum spectantem semper alta, & tam excelsum? Fuit præter cetera mirandum maximè, cum omnes iure optimo propter dignitatem anteiret, summoque imperiò potiretur, infimis tamen vt esset par sua sponte, & equalis. Pluribus verbis laborant multi, vt hominibus, quod volunt, persuadeant; nituntur alii vita, & exemplo, quibus res admirabiles efficiant: valuit verbis mulier insignis, valuit eloquentia, sed tamen moribus, & exemplo fuit præter cetera admirabilis; potuit hæc tantopere, tam insigniter, vt Pater Castroviridis (quem Hispani propter insignem eloquentiam sacris in concionibus alterum Demosthenem appellant) hanc Regiam sapientissimam laudare non destiterit. Hic audacter affirmare ausus est persæpe, in ultro esse patuo tempore apud omnes profectum magis huius mulieris exemplo, & præclaris moribus, quàm suis concionibus angis quadraginta. O mulieris in omni genere admirabilem virtutem? O liberalitatem insignem, & nullis antea seculis auditam? Ideonè has terras, dum viueres, tuo splendore illustrasti, vt easdem tua morte perpetuis tenebris inuolueres? ideo summa bona nobis polliciti sumus, vt spem omnem casus repentinus subito tueretur? Res illæ in hac muliere mirabiles fuere, comprehendere sua benignitate egestates omnium, fouere liberalitate, seruire bonorum commodis, res humanas sic intueri, vt à se nihil alienum existimaret. Humanitate, & beneuolentia inuitabat egentes, vt id, quo sibi opus

esset

effert, à se pederent; quo in negotio illud fuit maximè mirandum, cum  
 videres mulierem maximæ dignitatis cum miseris iucundè, cum tri-  
 stibus hilariter, cum demissis comiter, cum prudentibus sapienter se  
 se gerere. In vsum admirabilis vitæ statuit illa sibi probatissimos  
 mores, virtutes leuissimas; quibus dum sapientiæ, & sanctitatis ra-  
 dicibus innititur, & Dei Opt. Max. voluntati adhæsit mirabiliter,  
 atque opus omnium maximum, & sanctissimum conclaust. Vbi sunt  
 leuitates, quibus hoc mulierum genus singulis pænè horis tentari so-  
 let? vbi cupiditates, quibus vel viri fortes sæpissimè succumbunt?  
 vbi cogitationes importunæ, quibus præterquam valde pauci resi-  
 stunt? Et profectò vt tenebræ adueniente Sole euanescent, ita depræ-  
 uati animi sanctissimis prodeuntibus moribus aufugiunt. Non dum  
 excreuerat ætas, cum in ea florere vis virtutis visa est; nondum se cor-  
 roborauerat, & præsto iam erat sapientia, quæ & simplicitatem com-  
 munit, & probitatem ita confirmaret, vt ad infringendas tam ma-  
 gnas virtutes res nulla posset aspirare. Indicabat oratio, dum numen  
 diuinum sanctissimè adorât, quàm in hac militia vitiorum, & virtu-  
 tum fortis esset; testis erat vehemens contentio, dum contra commu-  
 nem hostem constantissimè luctatur; in sufferendis laboribus osten-  
 debat incredibilis patientia, quàm valde rerum cælestium studio te-  
 neretur, cum caducas, & terrenas præsentī maxime animo concu-  
 caret. Nonne permagna res est, quòd mulier in maxima rerum co-  
 pia nata, sua se sponte opatissimis commodis priuaret, appetitus ni-  
 mios respueret, vt in animi simplicitate conquiesceret? opprimeret  
 insolentiam, vt pietatem complecteretur; exueret leuitatem, vt I E-  
 S V M CHRIST V M sanctissimè indueret? Neque id ipsum ver-  
 bis tantum sensit, sed ita re ipsa præstitit, vt ad tuendam famam tam  
 magnæ virtutis nihil sit nobilius, nec illustrius. Mens firma, quæ  
 Deo se se addixit, non terretur doloribus, non laboribus frangitur;  
 sed præceptis sanctissimis munita, sua sponte molestias fert, crucia-  
 tus exorbet, & quoties vis ærurnarum crudeliter insultat, mortis ter-  
 roribus se offert, & dummodo diuinæ voluntati satisfaciat, patienter  
 omnia sustinet, omnia ppetitur. Quid illud? nonnè mirabiliter olet,  
 vnde sit? cum cogitaret animo, vt haberet perpetuò, quo se magis ad  
 opus pietatis, & religionis exerceret, nonne à fundamentis Monaste-  
 rium in Hispania excitauit? vbi Virgines supplicibus precibus ado-  
 rant, & Deum nobis propitium efficerent? Peregit opus nauiter  
 splendidis rebus, & sanctissimis; tribuit, quo se alerent; ornavit  
 templū picturis nobilissimis, & egregiis, petitis tabulis pulcherrimis  
 ex nostra vsque ciuitate. Quid amplius queritis, viri honestissimi?  
 hæc sancta Virginum societas, quæ à nudis pedibus Scalæ appellan-

tur omnino Christi bonus odor est; id ipsum sapere est; id ipsa res heroicas tractare; & quò vnusquisque peruenire desiderat, iter sibi, ad cælum sapientissimè moliri. Contigit ne vñquam, vt aliquis existerit, qui probatissimam mulierem aut insimularit leuitatis, aut modestiam in ea requisierit, aut inconstantiam improbarit? quæ semper cunctis in rebus tantum præstitit grauitatis, tam valde dignitatis, quæ maxima fuit, moderata est, tam constanti animo semper fuit, vt nec grauior, nec modestior, nec constantior mulier vlla posset reperiri. Erit fortasse aliquis, qui se ab ea læsum esse doleat; non re, non verbo, non vultu quemquam offendit vñquam; quinimo, si quid sibi molestiarum exhibitum esset, & conuiuere liberaliter, atque offensionem cum caritate, & patienter exorbere consueuerat. More hominum grauium hæc mulier sapiens, & timens Deum, omni tempore se se gessit; illi, cum propensionem in se viri principis aucupari volunt, eius ministros colunt, & asseclas; vt, quò peruenire volunt, adiutum sibi pariant, & facultatem; eodem pacto illa homines sacros coluit, & pios, vt per eos viam sibi ad cælum patefaceret. Id ipsum quàm egregiè adepra sit, & quàm, vt voluerit, appositè præstitit, eiusde n vita, & mores planissimè testantur; nulla cogitatio leuioris culpæ, nulla criminis hæsitatio adhæsit vñquam, quin è vestigio piis hominibus audientibus se expiaret per eos, & Dei gratiam omnipotentis lucraretur. In qua re curauit tam studiosè, vt Deo se gratificaretur, summaq; cum munditia nauaret operam, vt quod aliis arduum esset, illa illaborato labore feliciter conficeret. Verè fuit primis annis ætatis mirum exemplar religionis, & pietatis; dum annis augetur, aucta est in Deum propensio; facta est virtus nobilior, & generosior: simul, atque, quanti esset, mulier sapientissima cognouit. Suis in deliciis oratoria, sanctorum virorum imagines, & sacra volumina nominantur; in huiusmodi rebus commorabatur libenter, & vt se ipsa frueretur, & Deo; ceteris rebus neglectis, satagebat. Homines conditionis infimæ summa cum modestia, & lenitate excepit semper; numquam defuit, quin miseris, & destitutis benignè faceret, & liberaliter: nec contigit vñquam, vt splendor familiæ oculorum aciem perstringeret; nec vt suæ benignitatis demissio in subleuandis hominum ærumnis quasi luminibus generis officeret. Tam multis bonis igitur, sanctissimisque moribus consolati te potes hic Serenissima foror, cum tua à te sapientia postulet, vt abster sis lacrimis mentem ad spem rerum optimarum erigas; quàm sic magna tua virtus, quàm singularis, quàm eximia, & sermone omnium accepimus, & tractandis tuorum laudibus planè didicimus. Quò enim magis sapis, eò minus apud te erratis locus est. Et profecto vitæ sine crimine, mores si-

ne suspicione criminis dum intuemur, noni e ceteras cum his inter se congruentes virtutes arbitramur? Nonne quicquid egeris, quicquid cogitaueris, perfectum, atque absolutum omni ex parte maximè perspicimus? Ut modum facias lacrimis, quas multas profudisti, petit tua sapientia insignis, petit germanitas, petit summa in sororem pietas; dignitas etiam, quæ in te maxima est, ut ea perpetuò spectes, quæ promittuntur diuinitus, & de æternis præmiis cogites, omnino flagitat. Satis ei, ut res quærebat, dedisti lacrimarum; satis, ut se expletet, dolori tribuisti; nunc verò ut Dei Opt. Max. mentem æquo animo contemplare, & probes, & vita ante acta sororis, & mores eximii potissimum requirunt. Animi pietatem prudentissimæ Reginæ nulla temporis diuturnitas obruet: propensionem animi in Deum nulla delebit obliuio; morum sanctitatem nulla hominum obscurabit iniquitas; ita enim cogitationes sapientissimæ mulieris notatæ sūt & consignatæ, ut quantum longitudo temporis imminuet, tantumdem quotidie fama rerum optimarum sit amplior futura. Hæc est illa, quæ tartareos hostes summa animi firmitate superauit: hæc est illa, quæ, ut esset gratiosa apud Deum, quicquid potuit egentibus pietate impellente impertiuit: hæc est illa, quæ cum dignitate reliquos mortales anteiret, infimis tamen, cunctis stupentibus, demissimè se æquauit. Animi constantiam ad extremum usque spiritum retinuit, atque ad suorum memoriam conseruauit; eis enim, qui sibi inferuierant, vel interruptis vocibus, & morientibus consuluit; erumpentibus lacrimis afflictabant se, qui aderant: hæc autem morti suos sensus ad prælium forti animo offerebat; vis morbi acerbissima doloris faces ad mouebat; ipsa verò transitum vitæ, cælestes diuitias meditabatur. Me miserum, tantum virtutis à nobis perpetuò desiderabitur? tantum dignitatis, decoris nisi inanibus tantum vocibus memorabitur? O nos omni solatio destitutos? si erit omni tempore dignitate mulieris Serenissimæ carentum? Hucce spes blanda nostros animos deduxit, ut extinctis lætitiis perpetuo mœrore vitæ hanc miseram humana fragilitas obrueret? Hæc Regia cohors, quæ cuncta loca hilarare consueuerat, atratis vestibus induta, quam valde à se ipsa mutata est, quàm alia facta est, quâ nunc est sui maximè dissimilis? Hoc ipsum templum tam multis illustratum funeralibus obscurata sua pulchritudine nonne auget mœrorem, & penè ab inuitis nunc lacrimas extorquet? Tu itidem Rex Philippe, te absentem appello, qui orbem terrarum non sine Dei Opt. Max. prouidentia feliciter gubernas, tam repentinò coniugis tuæ interitu percussus, & si inuictò robore animi præditus es, tanti tamen vulneris vim sentire iam cœpisti; sed ut virum decet fortissimum, animo nequaquam tibi dees,

vim

vim tuæ virtutis fortiter excitas, tuumq; imperium præ sua magnitudine laborans ita regis, & sustines, ut iam fractus dolor virtuti succumbat, & se ipsam penitus abiiciat. Hic qui rem pendit, Deum ipsum assidue precatur, ut tibi vires perpetuo suppeditet, maiorem extinguat, lacrimas abstergat; ut cum tuo patrocínio diuinitus Christiana Respub. se se tradiderit, precibus nostris pro sua pietate tribuat, ut diutius sis saluus, sis incolumis, & pro tua dignitate rerum tantarum magnitudinem gubernes. Nunc te vnum, mitissime Deus, optimus quisque intuerur, opem requirit, fidem obtestatur, misericordiam implorat, & ut rebus, quæ sursum deorsum feruntur volubiliter subuenias in tempore, demississime precatur; quanto opere tibi rerum humanarum conditio cordi fuerit, per annos trecentos domipati familiæ Austriæ ostendisti: Hæc nunc nostra ciuitas & si multis se lacrimis afflicta, dum tuam tamen clementiam spectat, patrocínium tuum de sua salute non desperat, & sibi ipsi hoc pacto salutariter consulens in hac cogitatione equo animo con-  
quiescit.

D I X I

